

HIDRASEC® INFANTS 10MG GRANULES FOR ORAL SUSPENSION

Racecadotril (10mg)

HIDRASEC® CHILDREN 30MG GRANULES FOR ORAL SUSPENSION

Racecadotril (30mg)

Apakah yang ada pada risalah ini

1. Apakah kegunaan Hidrasec®
2. Bagaimana Hidrasec® berfungsi
3. Sebelum mengambil Hidrasec®
4. Cara menggunakan Hidrasec®
5. Semasa menggunakan Hidrasec®
6. Kesan-kesan sampingan
7. Cara penyimpanan dan pelupusan
8. Maklumat lanjut
9. Pengilang dan pemegang pendaftaran produk
10. Tarikh kemaskini RiMUP

Apakah kegunaan Hidrasec®

Hidrasec® Infant dan Hidrasec® Children digunakan sebagai rawatan tambahan untuk melegakan simptom-simptom cirit-birit jangka pendek untuk bayi (lebih daripada 3 bulan) dan kanak-kanak. Ia harus digunakan dengan minum air yang secukupnya dengan diet pemakanan yang biasa apabila langkah-langkah ini sahaja tidak mencukupi untuk mengawal cirit-birit, dan apabila rawatan punca cirit-birit dijalankan.

Bagaimana Hidrasec®

berfungsi

Hidrasec® berfungsi dengan mengurangkan rembesan cecair ke dalam usus dan menjadikan najis kurang cair.

Sebelum menggunakan Hidrasec®

- Bila tidak boleh menggunakan

Jangan mengambil Hidrasec® jika:

- Anda mempunyai alahan racecadotril atau mana-mana bahan lain ubat ini yang disenaraikan di hujung risalah ini.

- Anda pernah mengalami bengkak di bawah kulit semasa penggunaan ubat yang menurunkan tekanan darah seperti *ACE inhibitor* (enalapril, perindopril dsb)
- Anda hamil atau menyusukan anak

Jangan mengambil sekiranya mana-mana di atas terjadi pada anda. Jika tidak pasti, berbincang dengan doktor atau ahli farmasi anda sebelum mengambil ubat ini.

- Sebelum mula menggunakan

Hidrasec®.

Berhati-hati dengan Hidrasec® dan beritahu doktor anda jika:

- Anda sedang mengalami masalah hati atau buah pinggang

Jika mana-mana di atas berkaitan dengan anda, doktor anda akan beritahu anda bahawa ubat Hidrasec® selamat untuk diambil atau tidak.

- Jika mengambil ubat-ubat lain

Beritahu doktor atau ahli farmasi anda jika anda baru mengambil atau mungkin mengambil apa-apa ubat lain. Ini termasuk ubat yang dibeli tanpa preskripsi seperti ubat herba. Beritahu doktor atau ahli farmasi anda jika anda mengambil ubat-ubatan berikut:

- *ACE-inhibitor* (seperti enalapril, perindopril dsb) yang biasa digunakan untuk tekanan darah tinggi.

Cara menggunakan Hidrasec®

- Berapa banyak harus digunakan

Anda perlu dapatkan nasihat doktor atau ahli farmasi anda sekiranya tak pasti.

Hidrasec® Infants

Ia bertujuan untuk kanak-kanak yang berat badan kurang daripada 13kg. Dos yang disyorkan adalah 1.5mg/kg (1-2 paket), 3 kali sehari. Untuk **bayi yang berat badannya kurang daripada 9kg**: satu paket 10mg tiga kali sehari. Untuk **bayi yang berat badannya 9kg hingga 13kg**: dua paket 10mg tiga kali sehari.

Hidrasec® Children

Ia bertujuan untuk kanak-kanak yang berat badan lebih daripada 13kg. Dos yang disyorkan adalah 1.5mg/kg (1-2 paket), 3 kali sehari. Untuk **kanak-kanak yang berat badannya dari 13kg hingga 27kg**: satu paket 30mg tiga kali sehari. Untuk **kanak-kanak yang berat badannya melebihi 27kg**: dua paket 30mg tiga kali sehari.

- Bila perlu digunakan

Granul ini boleh digaulkan dalam makanan atau air atau botol bayi kemudian diambil dengan segera.

- Berapa lama perlu digunakan

Rawatan perlu diteruskan sehingga dua najis normal direkodkan. Tempoh pengambilan ubat Hidrasec® tidak sepatutnya melebihi 7 hari. Sila dapatkan nasihat doktor sebelum menghentikan rawatan anda. Sekiranya anda ada soalan lanjut berkenaan kegunaan produk ini, sila tanya doktor atau ahli farmasi anda.

HIDRASEC® INFANTS 10MG GRANULES FOR ORAL SUSPENSION

Racecadotril (10mg)

HIDRASEC® CHILDREN 30MG GRANULES FOR ORAL SUSPENSION

Racecadotril (30mg)

- Jika terlupa menggunakan

Jangan ambil dos berganda untuk menggantikan dos yang terlupa. Ambil dos yang seterusnya pada masa yang ditetapkan. Jika anda bimbang mengenai ini, berbincang dengan doktor atau ahli farmasi anda.

- Jika mengguna berlebihan (terlebih dos)

Tiada kesan-kesan memudaratkan yang telah dilaporkan bagi kes terlebih dos.

Semasa menggunakan Hidrasec®

- Perkara yang perlu dilakukan

Ambil ubat anda mengikut arahan doktor.

Minum air yang secukupnya untuk mengelakkan dehidrasi.

- Perkara yang perlu diberi perhatian

Hidrasec® mengandungi sukrosa (sejenis gula). Jika anda telah diberitahu oleh doktor bahawa anda tidak bertoleransi terhadap beberapa jenis gula, bincanglah dengan doktor anda sebelum mengambil ubat ini.

Kesan-kesan sampingan

Seperti semua ubat-ubatan, ubat ini boleh menyebabkan kesan sampingan, walaupun bukan semua orang mengalaminya.

Kesan sampingan tidak biasa (melibatkan kurang daripada 1 dalam 1000 orang):

Keradangan tonsil, ruam kulit, kemerahan, kegatalan, bengkak lidah, muka, bibir atau kelopak mata

Reaksi kulit yang serius (termasuk bawah kulit bengkak) telah dilaporkan.

Sekiranya anda mengalami mana-mana kesan sampingan yang tersenarai di atas, sila berhenti mengambil Hidrasec® dan beritahu doktor atau ahli farmasi anda.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835490, atau laman web nptra.gov.my [*Consumers* → *Reporting Side Effects to Medicines (ConSERF) or Vaccines (AEFI)*].

Cara penyimpanan dan pelupusan Hidrasec®

- Penyimpanan

Jauhi daripada kanak-kanak. Jangan menggunakan ubat Hidrasec® selepas tarikh luput seperti tertera pada kotak dan paket selepas "EXP". Tarikh luput merujuk kepada hari terakhir bulan tersebut.

Jangan simpan lebih daripada 30°C.

- Pelupusan

Jangan buang sebarang ubat melalui sisa buangan air ataupun sisa buangan rumah.

Tanyalah pada ahli farmasi bagaimana untuk membuang ubat yang tidak lagi diperlukan. Ini boleh membantu melindungi alam sekitar.

Maklumat lanjut

- Rupa dan warna produk

Hidrasec® Infant dan Hidrasec® Children merupakan serbuk putih yang berbau aprikot

-Bahan-bahan kandungan

- Bahan aktif
Racecadotril

- Bahan tidak aktif

Sucrose, anhydrous colloidal silica, polyacrylate dispersion 30%, apricot aroma

- Nombor MAL:

Hidrasec® Infants 10mg Granules for Oral Suspension:
MAL13045046AZ
Hidrasec® Children 30mg Granules for Oral Suspension:
MAL13045048AZ

Pengilang

Sophartex Laboratoires
21 rue du Pressoir
28500 Vernouillet
France

Pemegang Pendaftaran Produk

Abbott Laboratories (M) Sdn. Bhd.
27-02, Level 27, Imazium,
No. 8, Jalan SS 21/37,
Damansara Uptown,
47400 Petaling Jaya,
Selangor Darul Ehsan, Malaysia

Tarikh kemaskini RiMUP

- 10/04/2022

Nombor Siri

NPRA (R1/1) 26042022/104